



千金方衍義

武 9  
176  
10



門中武  
卷 176  
卷 10



孫真人千金方衍義卷六下

長洲張璠璐路玉著

南沙席世臣郢客校

七竅病方下

凡四類

齒病第六

論一首 灸法二首 方三十六首

論曰凡齒斷宣露多是疔腫及月蝕以角蒿灰夜傳  
斷間使滿勿食油不過二三夜瘥食油及乾棗即發  
所以患齒者忌油乾棗及桂心每旦以一捻鹽內口  
中以溫水含揩齒及叩齒百遍為之不絕不過五日  
口齒即牢密凡人齒斷不能食果菜者皆由齒根露

也為此鹽湯揩齒叩齒法無不愈也神良凡人好患齒病多由月蝕夜食飲之所致也識者深宜慎之所以日月蝕未平時特忌飲食小兒亦然

治齩齒及蟲痛方

白附子

知母

細辛

各六銖

芎藭

高良薑

各十銖

右五味為末以綿裹少許著齒上有汁吐出一日兩度含之亦治口氣

衍義

齒為骨之餘屬腎而實陽明所司齒斷動搖固為腎病疴蝕齩齒豈非濕熱為患乎所云以角蒿灰

夜傳專主蟲蝕標病角蒿即青蒿中一種生莖者但世罕採用詳青蒿灰淋汁和石灰可以點惡瘡息肉并可借治齒斷蟲蝕可知又云每旦以鹽揩齒此則專主少陰不特入骨固脫兼能清理濕熱標本兼該之治也此方首推白附溫散陽明風毒紙辛入骨按風芎藭散頭腦風良薑溫散結熱四味辛溫藥中專取知母之甘寒直入少陰引領蘊積熱邪悉從之而解散矣

又方

切白馬懸蹄如米許以綿裹著痛處孔不過三

度善

衍義

白馬蹄木經主蠱毒不祥別錄主內崩齩齒千金

治齩齒蟲痛總取殺蟲散血之功也

治齩齒蟲積年不瘥從少至老方

雀麥艸一名杜姥艸似牛毛艸以苦瓠葉四十  
枚淨洗露一宿平旦取艸屈長二寸廣一寸厚  
五分以瓠葉裹傅之作五六十裹子取三年醎  
醋浸之至日中取兩裹內火中炮令極熱內口  
中齒外邊熨之冷則易之取銅器以水內中解  
裹於水中洗之得蟲長三分老者黃赤色少者

白色多者得三四十枚少者得一二十枚

衍義

雀麥達肝瓠葉殺蟲浸以醎醋專收蟲蟿

治蟲齒方

萇蓉子三合如無葱子韭子並得以青錢七文  
燒令赤取小口嬰子令可口含得者將錢內嬰  
子中取一撮許萇蓉子安錢上令炮炗聲仍與  
半合許水淋令氣上從嬰出將口含嬰口令氣  
莫出用熏齒冷復更作取三合藥盡為劑非止  
蟲齒得瘥或風齒齩齒齒中病悉主之口中多  
津卽吐之

又方

白楊葉切一升水三升煮取一升含之

又方

大醋一升煮枸杞根白皮一升取半升含之蟲立出

又方

取桃仁少許以釵頭穿向燈上燒之烟出經少時吹滅即內入口安蟲齒上咬之不過五六度一方作胡桃仁

訂義

本經以萇若為齒痛出蟲專藥千金熏法最良其

葱子辛溫達竅韭子辛熱壯火皆取濁惡之氣以攻濁惡疳蝕也白楊葉殺蟲散血即水楊葉煮漱亦良枸杞根疏利濕熱得醋煮以收濕辟蟲不似萇若葱韭子有攻毒傷齒之患桃仁力能破血妙用尤在炮香氣竄投蟲所喜與胡桃仁同義

治疳蟲蝕齒根方

地龍置石上著一撮鹽須臾化為水以麩展取却待凝厚取以內病上又以皂莢去皮塗上蟲即出

又方

純麻子燭燼研以井花水塗之

又方

黑殺羊脂萇蓉各等分先燒鐵鋤斧釜令赤內其中烟出以布單覆令烟氣入口熏之

義 蚘性鹹寒得鹽化水用麩收取以內痛上足以散其濕熱疼腫矣又須皂莢之去風痺死肌何憚蟲毒不化耶 麻仁去風燭燼散火乃以井水化其火毒 殺羊角入山燒之辟惡鬼虎狼亦能殺疥其脂之開結透經并萇蓉子以殺蟲化毒乃燒鐵

置二物熏之與前燒錢置罌灸萇蓉子熏法無異

治齒齩腫痛及蟲痛方

黃芩 甘艸 桂心

當歸 細辛 蛇床子

右六味咬咀以醋漿水七升煮取三升去滓含之

日三夜二

治齒有孔不得食面腫方

莽艸 猪椒附根皮

右二味咬咀以漿水三升煮取一升滿口含倦即

吐却日二三度

治齒根腫方

松葉一把切

鹽一合

右二味以酒三升煮取一升含之

衍義

痛腫渾是濕熱故用黃芩清火甘艸解熱桂心引入患所以為濕熱嚮導當歸和血細辛按風蛇床除風頭痛本經之主治也六味藥中除黃芩甘艸餘皆辛散故用醋漿水煎深得散中寓斂之妙莽艸猪椒根皮皆治毒風疼腫之峻藥此惟藜藿氣實者宜之松葉去風散濕得鹽以製其燥得酒以鼓其力也

治齒根動欲脫落方

生地黄綿裹著齒上咋之又咬咀以汁漬齒根日四五度著之并咽汁十日內大佳

治齒根動且痛方

生地黄

獨活各三兩

右二味咬咀以水一升漬一宿取含之

衍義

齒根動搖皆屬腎虛挾火動而不痛尤為腎虛之驗非生地黄之甘寒不能清熱固脫也若動搖且痛且腫必是腎虛風襲乃於生地黄中兼獨活以按之與細辛功用不殊也

治齒斷間津津血出不止方

生竹茹二兩醋煮含之

又方

細辛 二兩

甘艸 一兩

右二味咬咀以醋二升煎取一升日夜旋含之

又方

礬石一兩燒水三升煮取一升先拭血乃含之  
已後不用朽人牙根齒落不用之可也

治齒間血出方

以苦竹葉濃煮與鹽少許寒溫得所含之冷即

吐

又方

溫童子小便半升取三合含之其血即止也

治齒出血不止方

刮生竹皮二兩苦酒浸之令其人解衣坐使人

含啜其背上三過仍取竹茹濃煮汁勿與鹽適

寒溫含漱之竟日為度

治酒醉牙齒湧血出方

當歸 二兩

礬石 六銖

桂心

細辛

甘艸 各一兩



右五味咬咀以漿水五升煮取三升含之日五六  
夜三

又方

燒鐵釘令赤注血孔中止

衍義

血從齒齦津津而出明係陽明虛熱故用竹茹專

清浮火兼取醋煮酸以收之病本在經但取含漱  
不須煎服 若前法不應應是風熱爲患審其人  
必有鼻塞面赤之證又當與細辛搜風甘艸和胃  
用醋煎含其血自止 若涌脫無度不得已用礬  
湯劫之但清酸透骨朽人牙根不可常試 如勢

不大劇則於竹葉

中入鹽以降泄之

童子小

便乘熱含漱卽竹葉湯中用鹽之意

竹皮醋浸

而三啜其背使人毛孔凜然其血卽止非傷寒病  
在陽應以汗解反以水啜之比啜後仍令含漱浮  
火旣斂所以不用鹹降也 酒醉後齒齦血涌濕  
熱勢盛卽於前治齒齦腫痛及蟲痛方中除去黃  
芩蛇床易入礬石亦是涌脫勢劇不獲已而用之  
倘含不卽應乃燒鐵釘烙血孔中又劫法中之

劫法

治頭面風口齒疼痛不可忍方

川椒 一合

莽艸 十葉

雀李根

獨活 各二兩

細辛

芎藭

防風 各一兩

右七味咬咀以酒二升半煮取五沸去滓含之冷

吐更含之勿咽汁 張文仲有白木二兩

又方

雞屎白燒灰以綿裹置齒痛上咬咋之

又方

雞屎白以醋煮漬稍稍含之

又方

煮桐槲汁含之

又方 藥師文世為四合量藥文新當汁中灸一

生地黄 一節 蒜 一瓣

右二味熟搗綿裹著痛上咬之勿咽汁出吐之日

日為之瘥止 水前題豈非微淡之用也

又方 藥師文世為四合量藥文新當汁中灸一

漢含驢尿須臾即止 此藥惡之帶同除味甘之用

義荷

口齒之患非有風寒客邪何至痛不可忍所以方

前昭揭頭面風三字而用一派搜風之藥獨不用

醋而用酒煮含漱也去其雞屎白燒灰不獨下氣

亦能去風雞屬異而走肝也 醋煮雞屎白尤斂  
風熱枸杞煮汁含漱能去風熱以非蟲齒故不用  
醋 生地黄甘寒帶苦專散血中之熱得蒜之辛  
薰氣烈通達諸竅以祛濁惡之滯同氣相入之用  
也 驢屎穢濁利竅殺蟲與前方用蒜同意 驢屎  
雞屎白皆利水治脹豈特齒痛之用哉  
治風齒疼痛方

灸外踝上高骨前交脈三壯又以線量手中指  
至掌後橫文折為四分量橫文後當臂中灸二  
壯愈灸之當隨左右

含漱湯 治齒痛方

獨活

當歸 各三兩

黃芩

細辛

芎藭

葶藶 各一兩

丁香 一兩

右七味咬咀以水五升煮取二升半去滓含漱須

臆悶出吐更含之 古今錄驗同  
有甘艸二兩

又方

含白馬尿隨左右含之不過三五口

衍義 齒病多屬暴寒鬱遏濕熱故用芎藭細辛丁香葶藶  
艾獨活當歸從治之劑但以黃芩一味為寒因熱

用之間謀慎勿過用以取實實之咎 白馬尿破  
結殺蟲與驢尿同功

漱湯 治齒痛方

腐棘刺二百枚以水二升煮一升旋旋含之日  
四五度以瘥止

又方

芎藭

細辛

防風

礬石

附子

藜蘆

莽艸

右七味各等分作末綿裹如彈丸大酒浸安所患

處含勿咽日三刺破極佳

又方

蚯蚓糞水和作稠泥團以火燒令極赤如粉以  
臘月猪膏和傅齒斷上日二三度永瘥

又方

取自死蚯蚓乾者搗末著痛處即止

衍義

棘刺之銳以利竅與皂角刺之解毒義同治異取  
其陳腐以除陳久之氣也 其芎辛防風藜蘆莽  
草總攻風毒礬石滌除垢膩尚恐不迫乃以附子  
雄悍之力助之刺破極佳者破則熱毒得以外泄

矣

治齒斷痛不可食生果方

生地黃

桂心

右二味合嚼令味相得咽之

又方

馬齒莧一把嚼之即瘥

治牙癰塞口噤不開方

附子

大者一枚

黃連

銖十八

礬石

一兩

右三味為末內管中強開口吹之入喉間細細吹之

義衍

生地黄甘寒以清濕熱桂心辛散以與出路寒熱

兼濟標本兼該之治故宜服之可無毒藥傷中之

虞 馬齒莧散血消腫 附子與黃連並用即地

黃桂心之變法乃加礬石以滌痰垢然但吹不服

深得峻藥緩攻之旨

喉病第七

證一首

方四十首

小續命湯加杏仁一兩治卒喉痺不得語方見第十

卷諸風門

義衍

小續命開發風痰喉痺不得語亦由風痰阻塞關

竅不通所致故於本方加入杏仁一味本經專主

喉痺下氣氣下則痰自降痺自開聲自出矣

烏翬膏 喉嚨者脾胃之候若藏熱喉則腫塞神

氣不通服之方

生烏翬 十兩

升麻 三兩

羚羊角

通艸

芍藥 各二兩

薔薇根 切一升

生地黄

切五合

猪脂 二斤

艾葉 六銖生者佳

右九味咬咀綿裹苦酒一升淹浸一宿內猪脂中微火煎取酒盡膏不鳴為度去滓薄綿裹膏似大杏仁內喉中細細吞之

行義烏翬即射干苦寒有毒本經專主喉痺咽痛升麻

升散結氣羚羊弛筋散風通艸通行經絡芍藥和血通痺薔薇根除風解毒生地黄滋陰化熱生艾辛溫散結猪脂潤膈利咽苦酒收斂咽瘡端不出南陽苦酒湯成法

治喉腫痛風毒衝心胸方

豉 一升半

犀角

射干

杏仁

甘艸 各二兩

芍藥 三兩

梔子 七枚

升麻 四兩

羚羊角 一兩半

右九味咬咀以水九升煮取三升去滓內豉煮一沸分三服

義衍風毒而用射干升麻羚羊芍藥卽前烏髮膏中之半射干之攻解風毒可謂峻矣猶恐其力不逮更濟之以杏仁香豉辟除惡毒犀角梔子專治火逆甘艸欬留諸味於膈上不使藥力易散也

治喉腫胸脇支滿方  
灸尺澤百壯

治風毒咽水不得下及癰癧腫方

升麻

芍藥 各一兩

射干

杏仁

楓香

葛根

麻黃 各三兩

甘艸 二兩

右八味咬咀以水八升煮取二升半分三服

又方

以水服葇苳子末兩錢七神良

義衍

八味藥中惟楓香脂專疏肺氣芍藥收斂營血餘皆開發風熱之用觀前烏髮膏及治風毒衝心胸二方例推自明 又取葇苳之走而不守專攻風毒用水服之以解在上標熱也

治喉痺方

荆瀝稍稍咽之效

又方

燒牛角末酒服之良

又方

臘月猪尾燒末水服之

又方

含雞屎白良

又方

熬杏仁令黑含或末服之

又方

巴豆去皮鍼線穿咽入牽出

又方

宜馬藷子半升水二升煮服一升半服之

又方

煮桃皮汁三升服之

又方

燒荆汁服之又水三升煮荆一握取一升分三

服

又方

刺手小指爪文中出三人豆許血逐左右刺皆

須慎酒麪毒物

衍義

荆瀝專開經絡痰涎力倍竹瀝

牛屬坤土其角



專行陽明燔之能散積血 猪爲水獸尾動屬風  
取臘月者專治少陰風毒也 雞屎白下氣散腫  
不特治脹喉痺亦得用之取穢惡之氣以攻穢惡  
之毒也 杏仁橫散泄肺熬黑則泄氣下滯從陷  
胸中悟出 巴豆性烈破結故能引毒外泄然僅  
可施之藜藿若膏梁柔脆之質未許輕試也 馬  
藷入陽明血分有破宿生新之功服漱無不宜之  
桃皮功專和血有辟邪解毒之用 燒荆汁服  
其力稍遜於瀝然無寒滑傷中之虞元氣瘠薄者  
宜之

治喉痺及毒氣方

桔梗二兩水三升煮取一升頓服之

又方

附子一枚破作大片蜜塗炙令黃含咽汁含盡  
更塗炙如前法

又方

生薑二斤搗取汁蜜五合微火煎相和服一合  
日五

又方

剝大蒜塞耳鼻日二易

衍義 喉痺多屬於火然證有陰陽真假治分逆順緩急若不為辨晰差之毫釐相背千里詳仲景熱傳少陰例二三日咽痛有桔梗湯方與甘艸同用此恐甘艸性緩不能治歛忽之患故單用一味以取專功若少陰病虛陽暴逆咽痛則當用後蜜炙附子又非桔梗可以槩治也 蜜炙附子含咽略借辛溫氣味以通其陽而化假熱以非真陽本虛故無取於峻溫況得蜜製深得甘緩從治之義 薑汁和蜜煎服取其辛甘以散虛火之逆 蒜塞耳鼻雖係外治亦是熱因熱用從治散結之法

治喉痺卒不得語方

濃煎桂汁服一升亦可末桂著舌下漸咽之良

又方

煮大豆汁含之無豆用豉亦佳

又方

以酒五合和人乳汁半升分二服

又方

燒炊箆作灰三指撮水服之

又方

芥子末水和傅之乾則易

又方

商陸苦酒熬令濃熟傅之

又方

末桂心如棗核大綿裹著舌

下須臾破

竹

桂味辛甘達竅善走廉泉

通喉痺最捷若用苦

寒則轉閉塞不通矣

大豆汁不獨解毒兼能療

風但性緩不能治

雷之暴逆

人乳和酒服專

滋咽喉乾燥卒

不得語當非閉塞腫痛之比

炊

箆受氣最

多燒灰服之取蒸發津氣於上也

芥

子辛

散豁痰

商陸利水達竅以毒攻毒外用

宜 桂末著舌下重補綿裹之法有所引動則穿

破毒泄矣

治喉卒腫不下食方

以韭一把搗熬傅之冷則易

又方

含上好醋口舌有瘡亦佳

衍

韭味濁惡專散惡血醋味酸寒專斂口瘡丹方中

之可法者

治懸癰乘熱暴腫長方

乾薑半夏等分末以少小著舌上

又方

鹽末以筋頭張口挂之日五

治懸癰咽中生息肉舌腫方

羊蹄艸煮口含之

又方

鹽豉和塗之良

又方

取四五歲小兒尿合鹽含之

衍義

懸癰暴腫龍火使然陰邪必用從治故用薑半之  
辛以散之 鹽蘸筋頭點之鹹能稟堅降火也

羊蹄根汁取其散腫 鹽豉和塗取其化熱 童

子小便取其降火

凡喉痺深腫連頰吐氣數者名馬喉痺治之方

馬嚼一具水二升煮取一升分三服

又方

羶中蒼耳三七枚燒末水服之

又方

馬鞭艸根一握勿用水截去兩頭搗取汁服之

良

又方

燒穀奴灰酒服之立破

衍義 喉痺數數吐氣如馬擺鼻者風氣襲於血脈也

馬性祛風故靈樞馬膏專治中風口僻此用馬口

時時啣嚼之鐵以鎮攝風毒也 蒼耳散巔頂之

風取羶中陳久者燒灰以治在上陳久之風氣

馬鞭艸專散咽喉風毒血結 穀奴灰專滌胃中

不正之氣也

母薑酒 咽門者肝膽之候若臟熱咽門則塞而

氣閉若腑寒咽門則破而聲嘶此證宜服之乃

效

五母薑汁二升 酥各一升 牛髓

香油各一升 桂心各一兩 秦椒各一兩

主防風一兩 芎藭各一兩 獨活各一兩

右九味為末內薑汁中煎取相淹濡下髓酥油等

令調微火三上三下煎平旦溫清酒一升下三合

膏即細細吞之日三夜一

又方

丹參 升麻 雄黃

杏仁 鬼臼 甘艸

射干各一兩 麝香半兩

右八味爲末蜜丸如梧子飲下一丸加至五九日  
三酒服亦佳咽痛失聲不利用之良

衍義

肝爲將軍之官肝盛則龍雷上逆而咽門氣閉膽  
爲清淨之府膽虛則痰涎內迫而咽颯聲嘶雖有  
臟腑之分上熱下寒則一肝爲陰藏縱屬熱邪法  
無直折之理故用薑桂椒芎以導陰火防風獨活  
以散風熱牛髓油酥專滋血氣之傷也 又方專  
主寒涎沃膽故用射干鬼臼雄黃麝香開痰利竅  
杏仁升麻升清降濁丹參甘艸和血安中其旨全  
在咽痛失聲與母薑酒各司其任

治咽傷語聲不徹方

酒 酥 各一

乾薑 二兩  
半末

血通艸

桂心 二兩

石菖蒲 各二兩

右六味合和服一七日三

又方

酒

酥 各一

乾薑 十兩  
末

右三味以酒二合酥一七薑末二七相和服日三

食後服亦治肺痛

治啞塞咳嗽方

桂心

六銖

杏仁

十八銖

右二味爲末蜜丸如杏仁大含之細細咽汁日夜  
勿絕

衍義

此因咽傷而致語聲不徹故用薑桂之辛溫以行  
血脈之滯菖蒲通艸以通氣道之阻酥酒以滋津  
液之傷也 其傷之不甚者僅取酥酒乾薑以和  
肺氣之結痛不須菖蒲桂通艸通調氣之阻礙也  
若咳嗽聲啞是必誤藥所致又須桂心杏仁和  
血利氣以挽寒涼傷肺之失

治咽痛逆氣不能食方

麻子一升熬令黑以酒一升淋取汁空心一服

一升漸至二升多汗好覆勿觸風冷此方兼理  
產婦及丈夫中風如角弓反張口噤不開大驗  
與紫湯氣力同

衍義

咽因火氣上逆而痛故用麻子清潤肺胃之津液  
則咽痛自寧出納無礙矣況熬黑酒淋能作汗散  
火與大豆紫湯無異角弓反張亦得療之

治卒咽痛方

懸木鈎燒末水服方寸七日三

又方

燒炊筭一枚漿水服方寸七

千金方卷之六  
咽痛起於倉卒明是風火為患因取懸鈞燒末水

服以降火消痰并解酒濕之毒 燒炊單漿水調

服取其酸收較前方水服差勝

治卒風咽腫面腫方

杏仁末和雞子黃更搗傅上乾復易之七八度

若腫汁出煮醋和伏龍肝傅乾更易之

治口咽方

燒麻子脂服之良

杏仁消腫雞子黃清熱傅腫硬最良若腫與汁出

又宜醋和伏龍肝末傅之取溫和之氣以收濕熱

之毒也 咽痛燒麻子脂服即前麻子熬黑酒淋

之變法

治咽喉不利下氣方

射干

杏仁

人參

附子

桂心

各一兩

右五味為末蜜丸如指大含一丸稍稍咽之合藥

味相接

咽喉不利多屬真陰虧少不能收攝虛陽而浮擾

於上非藉附子之力不能導之歸源前治喉痺毒

氣用蜜炙附子含咽此同杏仁射干散毒下氣人



參桂心助力散堅校之前法緩急霄壤

治咽喉中痛癢吐之不出咽之不入似得蠱毒方

含生薑五十日

衍義咽喉忽痛忽癢定屬虛火無疑若係實火則驟發

腫痛而無稍寧之時矣生薑辛溫專散虛火但虛

證難期速應故以五十日為期

又方

青布裏麻黃燒以竹筒盛煙熏咽中

衍義風寒客邪久襲於經而化火毒故用麻黃燒烟熏

法既散客邪兼泄火毒也

耳病第八 方五十四首

治腎熱背急攣痛耳膿血出或生肉塞之不聞人

聲方

磁石

甘艸 一兩

芍藥 四兩

白朮

葱白

大棗 十五枚

牡蠣 各五兩

生地黄汁 各一升

生麥門冬 六兩

右九味咬咀以水九升煮取三升分三服

衍義腎開竅於耳腎熱則風生於下風生則激於上故

欲治腎熱先須鎮攝真精所以首推磁石本經專

主耳聾佐以牡蠣兼地黃門冬則滋益精氣芍藥

收斂營血白朮甘艸杜風實脾葱白散邪通陽大  
棗助諸經補身中不足也

治腎熱面黑目白腎氣內傷耳鳴吼開短氣四肢  
疼痛腰背相引小便黃赤方

白朮 五兩

生薑 六兩

元參 四兩

澤瀉 二兩

淡竹 切切一升

芍藥

茯苓 各三兩

羊腎 一具治如食法

生地黄 切一升

右九味咬咀以水二斗煮羊腎竹葉取水一斗去  
滓澄之下藥煮取三升分三服不已日三更服一

劑

義

前方治腎熱生風此治腎虛生熱蓋面黑明係陽

明土衰目白明係少陰水虧故用白朮專培土衰

羊腎專培水虧白朮性滯苓澤佐之羊腎性溫地

芍滋之元參淡竹葉專清腎熱生薑專散諸藥之

滯也

治腎熱耳膿血出流日夜不止方

鯉魚腦 一枚

鯉魚腸 一具洗細切

鯉魚顛 三枚

烏麻子 熬令香一升

右四味先搗麻子碎次用餘藥搗為一家內器中  
微火熬暖布裏薄耳得兩食頃開之有白蟲出更

作藥若兩耳並膿出用此為一劑以薄兩耳若止  
一耳分藥為兩劑不過三薄便瘥慎風冷

衍義腎熱耳溜膿血明是濕熱憑凌於上與多年久聾  
截然兩途鯉魚腦髓本經專主卒聾一腦不足以  
濟其用更加腸肥以通頭腦經絡濕熱水氣諸治  
也其烏麻子即胡麻子專補腦髓堅筋骨協濟鯉  
魚腦髓以清少陰水濕之邪守真所謂鯉之治水  
鶩之利水因其相感而用之也

治腎虛寒腰脊苦痛陰陽微弱耳鳴焦枯方

生地黄汁升二 羊腎一具 白朮無問新陳

麥麩各一斤 甘艸 乾薑

地骨皮各八兩 桂心 杜仲

黃芪各四兩 當歸各四兩 五味子各三兩

白蜜 生天門冬汁各三升

右十四味為末內盆中取前三物汁和研微火上  
暖盆取熱更研日曬乾常研令離盆酒服方寸七  
日再

衍義此以腎虛而見耳鳴焦枯等證方中僅用薑桂二  
味辛溫救本反兼地黃天冬清潤治標之藥過於  
辛溫救本之味者以其有鳴響火動之擾焦枯水

虧之見又不得以治標為事也其用麥麴者取其消運滯氣耳

治聾鳴汁出皆由腎寒或一二十年不瘥之方

柘根三十斤 菖蒲切五斗各用水一石

故鐵浸二十斤燒赤水五斗

右三味合一石五斗用米二石并麴二斗釀如常法酒熟一月封頭開清用磁石翕鐵者三斤搗為末內酒中浸三宿飲之日夜飲之常飲取小醉而眠取聞人語乃止藥

又方

服天門冬酒百日瘥方見十四卷

又方

礬石少許以生菖蒲根汁和點入耳中

衍義柘根能通腎氣故聖惠方治耳鳴耳聾藏器煮汁

釀酒主風虛耳聾勞損虛羸腰腎冷千金兼菖蒲故鐵釀酒漬磁石末服之輒效治聾諸方無如此之妙應也 又天門冬酒清金降火益水上源下通腎氣而聾自愈矣 礬石碎除垢膩合菖蒲汁以通利關竅也

治勞聾氣聾風聾虛聾毒聾久聾耳鳴方

山茱萸

乾薑

巴戟天

芍藥

澤瀉

桂心

兔絲子

黃芪

乾地黄

遠志

蛇牀子

石斛

當歸

細辛

菴蓉

牡丹

人參

甘艸

附子

茯苓 各二兩

菖蒲 一兩

羊腎 一枚

防風 一兩半

右二十三味為末蜜丸如梧子食後服十五丸日  
三加至三四十九止皆緣腎虛耳故作補腎方又

作薄利九竅藥即瘥

衍義

諸竅總不出腎虛而為濕熱痰火所襲故專溫補  
利竅則諸竅悉宜其防風一味昔人所謂鳥在高  
巔惟射以取之也

治耳聾方

巴豆

杏仁 各七枚

印成鹽 兩顆

生地黄 極粗者長一寸半

頭髮 雞子大燒灰

右五味治下篩以綿薄裹內耳中一日一夜若小  
損即去之直以物塞耳耳中黃水及膿出漸漸有  
效不得更著不著一宿後更內一日一夜還去之

依前

又方

草麻子 五合

杏仁

菖蒲

磁石

桃仁

石鹽

通艸 各二分

巴豆 一分

附子 二分

薰陸香

松脂 各十分

蠟 八兩

右十二味先搗艸石令細別研諸仁如脂內松脂蠟合搗數千杵令可丸乃止以如棗核大綿裹塞耳一日四五度出之轉捻不過三四日易之

又方

磁石 四兩

天門冬

地骨皮

天<sub>生</sub>薑 各三兩

山茱萸

土瓜根

牡荊子

茯苓

菖蒲

芎藭

枳實

白芷

橘皮

甘艸 各二兩

竹瀝 二升

右十五味咬咀以水八升煮減半內瀝煮取二升五合分三服五日一劑三者乃著散內耳中如後方

又方

磁石 四兩

石菖蒲

白斂

牡丹

山茱萸

牛膝

又土瓜根各二兩

右七味治下篩綿裹塞耳日一易之仍服大三五七散佳方見十三卷

又方

蠟

松脂

薰陸香

草麻

石鹽

亂髮灰

右六味等分爲末作丸綿裹塞耳中時易之瘥止又方

巴豆十四枚

成鍊松脂半兩

右二味合治九如黍米大綿裹以著頭著耳中日一易藥如硬微火炙之以汁出乃愈大效

又方

防風

菖蒲

細辛

附子

芎藭各六銖

雄鯉魚腦一枚

右六味咬咀以魚腦合煎三上三下以膏香爲末濾去滓冷以一棗核灌耳中以綿塞之古今錄驗用療風聾

久耳中鳴者以當歸代防風以白芷代芎藭

又方

竹筒盛鯉魚腦炊飯處蒸之冷焯注於耳中

又方

菖蒲

附子

右二味等分爲末以麻油和以綿裹內耳中

廣濟方以

療耳卒痛欲死者崔氏以苦酒和塞耳

又方

燒鐵令赤投酒中飲之仍以磁石塞耳中

日一易夜去之旦別著

又方

革麻

一百顆 去皮

大棗

十五枚 去皮核

右二味熟搗丸如杏仁大內耳中二十日即瘥

又方

芥子搗碎以男兒乳和綿裹內之

又方

取柴胡苗汁灌耳中再度瘥

又方

作一坑可容二升許著炭火其中坑似窰形以  
磚覆口上磚上作一孔子容小指磚孔上著地  
黃一升以木盆覆之以泥泥盆下勿洩盆底上  
鑽一小孔可容箸其孔上著三重布以耳孔當  
盆上薰久若悶去黃水髮裏鹽塞之不過二三



度神効

又方

搗鼓作餅填耳內以地黃長五六分削一頭令尖內耳中與鼓餅底齊餅上著楸葉蓋之剜一孔如筋頭透餅於上灸三壯

又方

作泥餅子厚薄如餛飩皮覆耳上四邊勿令泄氣當耳孔上以艸刺泥餅穿作一小孔於上以艾灸之百壯候耳中痛不可忍即止側耳傾却黃水出盡即瘥當灸時若泥乾數易之

又方

截箭筈二寸內耳申以麩攙四畔勿令泄氣灸筒上七壯

又方

酒三升牡荊子碎二升浸七日去滓任性服盡雖三十年久聾亦瘥

又方

硫黃雄黃各等分爲末綿裹內耳中數日聞人語聲

又方

以綿裹蛇膏塞耳神良

又方

淳酢微火煎附子一宿削令可入耳以綿裹塞

耳良

又方

礬石

甘艸

菖蒲

當歸

細辛

防風

芎藭

白芷

烏賊骨

附子

皂莢各半兩

巴豆十四枚

右十二味薄切三升酢漬一宿以不中水雞膏九

合煎三上三下以巴豆色黃則膏成去滓內雄黃末攪調取棗核大瀝耳中綿塞之日三易

又方

桂心十八銖

野葛六銖

成煎雞肪五兩

右三味咬咀於銅器中微火煎三沸去滓密貯勿泄以韋筒盛如棗核大火炙令少熱欬臥傾耳灌之如此十日疇疇自出大如指長一寸久聾不過三十日以髮裏膏深塞莫使泄氣五日乃出之千金

翼云治二十年耳聾

治耳聾聾乾疇疇不可出方

搗自死白項蚯蚓安葱葉中用麩封頭蒸令熟  
並化爲水以汁滴入耳中滿卽止不過數度卽  
挑易出瘡後髮裏鹽塞之

肘後以療癩  
蝻入耳立効

又方

取酢三年者灌之是良次用綿塞半日許必有  
物出

衍義

巴豆辛烈開通閉塞杏仁橫散下氣泄滯石鹽鹹  
降滋益腎水地黃甘寒逐血通痺髮灰補陰去竅  
惡血專賴巴豆引入以開通關竅之閉塞也 又  
方以草麻仁爲君專力拔邪外出能出有形之滯

物氣味與巴豆相類其相開竅之功薰陸治血松  
脂收濕兼杏仁菖蒲通艸葦搗和綿裹塞耳較前  
方藥品雖繁簡不同而功力不殊也 又方以磁  
石收攝陰虛龍火上炎耳鳴嘈嘈爲主而兼益腎  
清火豁痰開竅分解風熱諸味服之以除內病并  
用後磁石等七味外治之法仍服大三五七散佳  
取其辛溫達竅以濟前方先清火而繼之以溫補  
也 其後塞注諸方或用草麻或用巴豆或用附  
子或用鯉魚腦及燒鐵投酒飲并以磁石塞耳等  
方咸不出乎上法可以按證取用 芥子裏內耳

中專取溫散柴胡苗汁灌耳中專通少陽 地黃  
薰法專取煖氣以薰蒸地黃散血之功 豉餅灸  
法泥餅灸法及箭髀灸筒法總取溫散通達之  
義 酒浸牡荊實服之專治耳聾以其能治風逐  
濕祛痰解熱也 硫雄二黃塞耳專取溫散 綿  
裹蛇膏取其性竄善開風閉加麝尤妙 醋煎附  
子內耳散中寓斂且不令辛烈之氣暴發 礬皂  
巴豆取其辟穢菖蒲辛附取其開竅芎歸烏賊取  
其散血防風白芷取其去風甘艸專和藥性醋漬  
辟惡斂肝雞膏滋津化毒雄黃專辟陰邪之固閉

也 又以桂心利鬪竅野葛治惡風雞肪潤竅取  
聾自出 白項蚯蚓入葱化汁取其竄穴之性而  
解熱毒之閉也 陳醋滴耳專取辟惡利竅  
赤膏 治耳聾齒痛方

- 桂心
- 大黃
- 白朮
- 白細辛
- 芎藭 各一兩
- 乾薑 二兩
- 丹參 五兩
- 蜀椒 一升
- 巴豆 十枚
- 大附子 二枚

右十味咬咀以苦酒二升漬一宿內成煎豬肪三  
斤火上煎三上三下藥成去滓可服可摩耳聾者

綿裏內耳中齒冷痛則著齒間諸痛皆摩若中有病以酒和服如棗許大咽喉痛取棗核大吞之  
符義耳聾多緣痰濕閉遏齒痛良由寒苑熱邪故用桂附椒薑以破少陰之結芎藭細辛以散腦戶之邪白朮丹參逐濕和營大黃巴豆一開熱結一破寒結苦酒豬脂與前陳醋雞膏同意但雞走肝而豬達腎稍有不同其潤竅之用則一可服可摩可治久聾可治齒痛蓋耳與齒總皆屬腎也

治卒耳聾方

細辛

菖蒲

杏仁

麴末

各十銖

右四味和搗爲丸乾卽著少豬脂取如棗核大綿裏內耳中日一易小瘥二日一易夜去旦塞

治三十年久聾方

故鐵三十斤以水七斗浸三宿取汁入麴釀米七斗如常造酒法候熟取磁石一斤研末浸酒中三日乃可飲取醉以綿裏磁石內耳中好覆頭臥酒醒去磁石卽瘥

治耳聾有膿散方

附子 一兩

禹餘糧 六銖

伏龍肝

掃葉山房

龍骨

金底墨

烏賊骨 各半

右六味為末取如皂莢子大綿裹內耳中日一易  
取瘥不瘥者有蟲加麝香一豆大

治耳聾有膿不瘥有蟲方

酢 三合

鯉魚腸 一具

右二味和搗綿裹內耳中兩食頃當悶痛有白蟲  
著藥去之更入新者蟲盡乃止其藥去蟲還可用

又方

先以紙纏去耳中汁次以礬石末粉耳中次以  
石鹽末粉其上食久乃起不過再度永瘥

又方

搗桂和鯉魚腦內耳中不過三四度瘥

衍義

細辛菖蒲杏仁麴末草根木實雖能利竅其性本  
輕僅可以治卒暴之聾 鐵磁釀酒塞耳金石之

品性味沉重力能鎮攝故可以治久聾固疾 其

用附子餘糧伏龍龍骨金墨烏賊麝香專治虛陽

上泛吹瘥致傷膿水淋漓之聾 醋與鯉魚腸專

治濕熱上盛焮腫有蟲瘡瘻之聾 礬石石鹽專

除濕熱浸淫之聾 桂末鯉魚腦專散虛火暴卒

之聾諸方分治虛實新久天淵

治耳鳴聾方

當歸

細辛

芎藭

防風

附子

白芷

各六銖

右六味為末以鯉魚腦八兩合煎三上三下膏成去滓取棗核大灌耳中旦以綿塞耳孔

衍義

耳聾本屬腎虛然但虛無風火之擾何有鳴響之患此方雖用細辛防風白芷風藥而其所主全在鯉魚腦髓專達腦戶搜風芎歸滋養營血以化風火附子峻溫骨髓以攝虛陽虛陽斂而鳴響自除治耳鳴水入方

附子

礬石

各六銖

甘艸

各二銖

通艸

細辛

桂心

各十銖

菖蒲

一兩

獨活

一兩半

右八味為末以白鵝脂半合稍稍和取如棗核大綿裹內耳中日三旋旋和用一本用葱涕半合

衍義

水入耳鳴正氣內拒相搏而響故用生附桂心以助真陽祛濕之力細辛獨活以達少陰濕滯之經通艸菖蒲以通血脈阻塞之竅礬石以辟竅中所著之濕甘艸以和方中諸藥之性白鵝脂專力疏風而能涼利五臟與雞膏猪脂角立

治耳鳴如流水聲不治久成聾者方

掘生烏頭乘濕削如棗核大內耳中日一易不  
過三日愈亦療癢及卒風龍病

衍義烏頭性專按風勝濕而生者之性尤速癢亦虛風  
所致故專取一味無藉他藥

治聾耳出膿汁方

礬石

赤石脂

黃連

烏賊骨

右四味各等分為末以綿裹如棗核大內耳中日

三 小品不用赤石脂姚氏加  
龍骨一兩千金翼同姚氏

治聾耳痛膿血出方

取金月下灰薄耳中日三次易換每換以篋子  
去之再著取瘥止

治聾耳方

取桃仁熟搗以舊緋絹裹內耳中日三易以瘥  
為度

治底耳方

取黃礬燒綿裹內耳中不過二三日愈或以葦  
管吹耳中

肘後以瘥耳  
卒腫出膿

衍義礬石收濕黃連去熱烏賊散血石脂固斂與龍骨



同功 釜月下土温燥收濕 桃仁温潤散血礬石酸澁辟垢也

治百蟲入耳方

蜀椒末一撮以酢半升調灌耳中行二十步即出

又方

火熨桃葉捲之取塞耳立出

又方

取車轄脂傅耳孔蟲自出

肘後以療聾耳膿血

又方

以葱涕灌耳中蟲即出亦治耳聾

治蜈蚣入耳方

炙猪肉令香掩耳即出

治蜒蚰入耳方

炒胡麻研碎以葛袋盛傾耳枕之即出

又方

以牛酪灌之滿耳即出出當半消若入腹中空腹食好酪一二升即化為黃水而出不盡更服

用之神效

千金翼作牛乳

治耳中有物不可出方

以弓弦從一頭令散傳好膠挂耳中物上停之  
令相著徐徐引出

衍義椒醋辛酸性味俱竄諸蟲所畏 桃葉性專殺蟲  
車藪脂走而不守況有鐵氣可以辟蟲 葱能利  
竅涕最滑澤使蟲易出 炙肉誘蟲取其氣者投  
其所好不獨猪肉炙雞尤為蜈蚣所喜 蜒蚰性  
喜胡麻炒香以誘之也 牛酪性溫能消蜒蚰以  
中有酥能更堅化物況此濕熱所化之類乎 一  
切蟬蠅蠅蛆及引灌蟲死不能出者莫如弓弦或  
麻繩剪斷蘸膠粘之最為便捷

面藥第九

方七十六首

五香散 治野炮麝黧黑運赤氣令人白光潤方

黃芪

白茯苓

萎蕤

杜若

大豆黃卷

商陸

各二兩

白芷

當歸

白附子

冬瓜仁

杜蘅

白殭蠶

辛夷仁

香附子

丁子香

蜀水花

即鷓鴣屎

旋覆花

防風

木蘭

芎藭

藁本

皂莢

台膠

杏仁

天門冬

土瓜根

白朮

梅肉

酸漿

水萍各三兩

畢豆四兩

猪脰二具 曬乾

右三十二味治下篩取洗面二七日白一年與眾別

洗手面令白淨悅澤澡豆方

白豆麩一升

麩三升 溲猪脰為餅曬乾搗篩

冬瓜仁四合

猪脰大者二具 細切 白茯苓

白芷

白鮮皮 栝蔞子

白朮

白附子 白藪

兔絲子

土瓜根

羌活

萎蕤

桃仁

杏仁

商陸

芎藭各一兩

右十九味合搗篩入麩猪脰拌勻更搗每日常用以漿水洗甚良

又方

畢豆麩

栝蔞實三兩 一方不用 猪脰五具 細切

土瓜根

白茯苓 萎蕤各三兩

皂莢三挺

右七味搗篩將猪脰拌和更搗令勻每旦取洗手

面百日白淨

又方

白芷

白藜

白朮

桃仁

冬瓜仁

杏仁

菱麩

各等分

皂莢

倍其數

右八味為末絹篩洗手面時即用

又方

畢豆麩

三升大豆黃麩亦得

白芷

青木香

甘松香

零陵香

藿香

各二兩

冬葵子

一本作冬瓜子

栝蒌仁

四兩

右八味搗篩用如常法

令人面白淨悅澤方

白藜

白朮

白附子

白芷

各二兩

猪脰

三具水漬去赤汁研爛

藁本

三兩

右六味為末先以蕪菁子半升又酒水各半升相和煎數沸研如泥合諸藥內酒水中以磁器貯封三日每夜取傅面旦以漿水洗之令人面潔白悅澤顏色紅潤方

猪脰

五具

蕪菁子

二兩

栝蒌子

五兩

桃仁 三兩

右四味以酒和熟搗傅之慎風日

又方

採三株桃陰乾為末空心飲服方寸七日三并  
細腰身

又方

酒漬桃花服之好顏色治百病三月三日收

澡豆 治手乾燥少潤膩方

大豆黃 五升 赤小豆 去皮

苜蓿 各一升 冬瓜仁 零陵香子 茅香 各六分

丁香 五合 麝香 一兩 猪脬 五具 細切

右九味細搗羅與猪脬相合和曝乾再搗篩取洗

手面

又方

大豆末 二升 猪脬 五具 蒴藿灰 一兩  
絹篩 乾之

甘松香 零陵香 二兩 白茯苓

藁本 白芷 各四兩 白商陸 五兩

右九味為末調和乾與猪脬相和更搗令勻欲用  
稍稍取以洗手面八九月合冷處貯之三月以後

勿用神良

面脂 主悅澤人面耐老方

冬瓜仁

白芷

商陸

芎藭 各三兩

當歸

藁本

麝香

土瓜根 去皮

桃仁 各一兩

萎蕤

細辛

防風 各一兩半

木蘭皮

辛夷

甘松香

麝香

白僵蠶

白附子

梔子花

零陵香 半兩

猪脰 三具切水漬六日飲

用時以酒搗取汁漬藥

右二十一味薄切綿裹以猪脰汁漬一宿平旦以

煎猪脂六升微火三上三下白芷色黃膏成去渣入麝收於磁器中取塗面

又方 治面上皴黑凡是面上疾皆主之方

丁香

零陵香

梔子花

桃仁

白麝

茯苓

土瓜根

兔絲子

防風

沉香

辛夷

當歸

麝香

藁本

商陸

芎藭 各三兩

萎蕤 一作白芨

藿香 一本無

白芷

甘松香

白僵蠶

千金方衍義卷下

聖

掃葉山房

木蘭皮

各二兩半

蜀花水

青木香

冬瓜仁

四兩

羊腎脂

鵝脂

各一兩半

羊髓

一升

生豬脂

三升

右二十九味咬咀先以美酒五升按猪脰六具取汁漬藥一宿於猪脂中微火極煎三上三下白芷色黃以綿一大兩生布中絞去滓入麝香末以白木篦攪至凝乃止任性用之良

面膏 去風寒令人面光悅却老去皺方

青木香

白附子

白蠟

白芷

芎藭

零陵香

香附子

各二兩

茯苓

甘松

各一兩

羊髓

一升半煉

右十味咬咀以酒水各半升漬藥經宿次日煎三上三下候酒水盡膏成去滓取傅面如壯若有黥

黥皆落

玉屑面膏 治面無光澤皮肉皺黑久用令人潔

白光潤方

玉屑

細研

土瓜根

白附子

商陸

芎藭

菱麩

冬瓜仁

桃仁

白芷

木蘭

辛夷各一兩

兔絲子

青木香

藁本

當歸

黃芪

白殭蠶

藿香

細辛各十銖

麝香

防風

鷹屎白

蜀水花一合

猪脰各半兩

白犬脂

鵝脂

熊脂三具細切

猪肪脂各一升

右二十八味先以水漬猪鵝犬熊脂數易水浸令血脈盡乃可用咬咀諸藥清酒一斗浸一宿明旦生擘猪鵝等脂安藥中取銅鐺於炭上微煎至暮

時乃熟以綿濾置磁器中仍以練繫白芷片看色黃卽膏成其猪脂取浸藥酒接取汁安鐺中其玉屑蜀水花鷹屎白麝香爲末膏成安藥中攪令勻旋取傅面

玉屑面脂方

玉屑

白附子

白茯苓

青木香

菱蕤

白朮

白殭蠶

蜜陀僧

甘松香

烏頭

商陸

石膏

黃芪

胡粉

芍藥



藁本

防風

芫朮

白檀各一兩

當歸

土瓜根

桃仁

芎藭各二兩

辛夷

桃花

白頭翁

零陵香

細辛

知母各半兩

猪脂一升

羊腎脂一具

白犬脂

鵝脂各一合

右三十三味切以酒水各一升合漬一宿出之用  
銅器微火煎令水氣盡候白芷色黃去滓停一宿  
旦以柳枝攪勻乃用之  
又方 令黑者皆白老者皆少方

玉屑

寒水石

木蘭皮

旋覆花

珊瑚

丁香

土瓜根

蜀水花

白茯苓

芎藭

兔絲

辛夷仁

冬瓜仁

白頭翁

當歸

藁本

白僵蠶

青木香

蕪菁子

梔子花

細辛

菱麩

商陸

白芷

防風

黃芪

桃仁

藿香

前胡

桂心

半夏

白薇

杏仁

薜蘿

芫花

杜衡

麝香

秦椒

礞石

秦皮

杜若

升麻

蜀椒

黃芩

白薇

栝蒌仁

熊脂

鵝脂

羊髓

牛髓

白狗脂

鷹屎白

猪脂肪

清酒

右五十四味咬咀酒漬一宿內脂等合煎三上三下酒氣盡膏成絞去滓下麝香末攪至凝色變乃

止磁器密貯勿洩氣

鍊脂法

凡合面脂先須知鍊脂法以十二月買極肥大猪脂水漬七八日日一易水煎取清脂投水中鍊鵝熊脂皆如此法

治外膏 主面黥方

白芷

白蠟

白附子

辛夷

防風

烏頭

零陵香

藿香

萎蕤

藁本

商陸

麝香

千金方卷之三

三

掃葉山房

麻油 二合

羊脂 五合

牛脂

鵝脂 各一升

右十六味薄切醋漬浹洽經一宿旦合煎候白芷色黃膏成以皂莢湯洗面傅之日三甚良

又方

雞子 三枚

胡粉 細研

丁香 各一兩

右三味先以醋一升漬七日後取雞子白調香粉令勻以漿水洗面傅之

又方

白礬

石硫黃

白附子 各六銖

右三味為末以酢一盞漬三日夜淨洗面傅之莫

見風日慎三七日可白如雪

白面方

牡蠣 三兩

土瓜根 一兩

右二味為末白蜜和取塗面即如白玉旦以溫漿

日洗之宜慎風日

豬蹄湯 洗手面令光潤方

豬蹄 一具

桑白皮

芎藭

姜蕤

白芷

白茯苓 各三兩

商陸 一作當歸

白朮 各二兩

右八味咬咀以水三斗煎猪蹄及藥取一斗去滓  
每温一盞洗手面大佳

猪蹄漿 急面皮去老皺生光澤方

大猪蹄一具淨治如食法以水二升漬漿水一  
升不渝釜中煮成膏用洗手面又以此藥和澡  
豆夜塗面旦用漿水洗面即愈

鹿角散 令百歲老人面如少年時生光澤潔白

方

鹿角 長一握

牛乳 三升

芎藭

細辛

天門冬

白芷

白朮

白藪

白附子

酥酪 各三兩

杏仁 五七枚

右十一味咬咀先以水漬鹿角一百日出之與諸  
藥內牛乳中緩火煎令汁盡出角以白練袋盛餘  
藥勿收至夜取牛乳石上磨鹿角取塗面旦以漿  
洗之無乳小便研亦得

治面黑不淨洗手面澡豆方

白豆屑 二升

白附子

甘松香

丁子香

白芷

白殭蠶

鷹屎白

白檀香

白朮

木香 一用藁本

芎藭

白鮮皮 各三兩

大棗

杏仁 各三十枚

麝香 二兩

白梅肉 三七枚

麩 三升

冬瓜仁 五合

猪脰 三具

雞子白 七枚

土瓜根 一兩一分用甜

瓜子

右二十一味先以猪脰和麩曬乾然後合諸藥搗

末又以白豆屑二升為散每日用鹽洗十日色白

如雪三十日如凝脂神驗 千金翼無白蠟蠶芎藭白附子大棗有桂三兩

義衍

修容諸方多用外傳如五香散中白附專除黥黑

皂莢專祛毒風水萍開奏發汗去風甚於皂莢冬

瓜仁悅澤顏色木蘭皮去面熱炮鼓畢豆俗名豌豆

善去癩黥今人誤認綠豆多謬用之蜀水花乃

鷓鴣屎滅癩與鷹屎白同功而悅澤顏色之功過

之猪脰善滌垢膩白梅能去惡肉二物皆練帛所

用其性可知其餘祛風逐濕和血調氣及芳香等

藥未遑悉陳他如鵝脂羊髓猪肪牛酥之類總取

潤澤之用不必拘執其方也

鉛丹散 治面黑令人面白如雪方

鉛丹 三十銖 真女苑 六十銖

右二味治下篩酒服一升圭日三男十日女二十

掃葉山房

日知之則止黑色皆從大便出面白如雪

衍義

面黑屬腎故用鉛丹專祛腎氣發外之滯女苑專泄肺氣本經專主氣病肘後用酢漿水服十日大便黑二十日面白便止過用則太白大傷元氣所以三十歲不可服中年之後不必復修容色也

白楊皮散 治面與手足黑令光澤潔白方

白楊皮 十八銖一方用桔皮一

桃花 三兩

白瓜子仁 三十銖

三味治下篩温酒服方寸七日三欲白加瓜子

欲赤加桃花三十日面白五十日手足俱白

治面黑生黥炮方

白薇 十二銖

生礬石 救急方無

白石脂 六銖

杏仁 三銖

右四味研和雞子白夜臥塗面上旦用井花水洗之

治面黥炮令人悅白方

栝蒌子 六合

白石脂 五合

雀屎 二合去黑

麝香

右四味搗篩別研麝香雀屎白石脂和合取生兔絲子汁和之如薄泥先用澡豆洗去面上垢膩次

以藥塗黥上日夜三四度平旦溫漿水洗之

治黥黥烏靨合面潔白方

馬珂 二兩

白附子

珊瑚 各一兩

右四味研成粉和勻用人乳調每夜取傅面明日溫漿水洗之

衍義

馬珂白附鷹屎珊瑚皆滅癩專藥獨不用玉屑者

黥黥皆血分之滯無暇及於氣分之藥也

去面上靨子黑痣方

夜以溫漿水洗面以生布指靨子令赤痛水研

白旃檀取濃汁塗靨子上旦復以暖漿水洗之

次以鷹屎白傅其上

洗面去黥黥主悅白方

猪脰 二具

豆麩 四升

冬瓜仁 半升

皂莢 五挺

細辛 各一兩

白芷 各二兩

白蘂

白芷 各二兩

白芷 各二兩

右十味和土瓜根一兩搗絹羅取大猪蹄一具煮令爛作汁和散為餅曬乾再搗為末羅取鹽洗不

過一年悅白

桃仁澡豆 主悅澤去黥黯方

桃仁 蕪菁子 一兩 畢豆麩 二升

白朮 六合 土瓜根 七合

右五味合和搗篩以酢漿水洗手面

桃花圓 治面黑黥令人潔白光悅方

桃花 二斤 桂心 烏喙

甘艸 各一兩

右四味為末白蜜丸如大豆許每服十九日二服十日易形 一方有白附子甜瓜子杏仁各二兩為七味

義衍

桃花殺疰惡鬼令人好顏色桂心治結氣利關節

烏喙破積聚寒熱甘艸治五臟六腑寒熱邪氣皆

本經主治

治面黥黯內外兼治方

成鍊松脂為末溫酒服三合日三服盡三升無

不瘥

治面黥方

李子仁為末和雞子白傅一宿即落

又方

甘艸 二兩 末 白羊乳 二升 羊脰 二具 水漬 去汁細切



右三味相和一宿先以酢漿洗生布拭之夜傳藥兩遍明旦以猪蹄湯洗却每夜洗之

又方

白附子為末酒和傅之即落

又方

桂心

蜜

石鹽各等分

右三味為末相和傅之

又方

以上硃砂研細如粉和白蜜塗之旦以酢漿洗却大驗

又方

白附子

香附子

白檀

馬珂

紫檀

各一兩

右五味為末白蜜和如杏仁大陰乾臨用以水研塗面旦以溫水洗却忌風油七日面色如蓮花

又方

水和丹砂末服方寸匕男七日女二七日色白如雪

治人面黧黯膚色粗陋皮厚狀醜方

殺羊脛骨為末以雞子白和傅之旦以白淨梁

米泔洗之三日白如雪

衍義

羊脛骨灰可消銅鐵而殺羊角走肝燒之能辟蠱毒與羚羊角相類其脛骨灰散血逐穢取雞子白和傅以去粗陋厚皮自然白淨

又方

白蜜和茯苓粉傅之七日愈

又方

杏仁酒浸皮脫搗碎絹袋盛夜取拭面

又方

酒浸雞子三枚密封四七日成傅面白如雪

又方

杏仁為末

雞子白

右二味相和夜塗面明旦以米泔洗之

治面多黥黯皮肉粗濇令人不老皆主之方

硃砂

雄黃各三兩

水銀霜半兩

上胡粉二兩

黃鷹糞一升

右五味並納研如粉以面脂和淨洗面夜塗之以手細摩令熱明旦不廢作壯然須五日一洗面一塗不過三遍所有惡物一切皆除數倍少嫩慎風日不傳神祕

治面黥黧令悅澤光白潤好及手皴方

猪蹄

二具治如食法

白梁米

一升洗令淨

右二味以水五斗合煎猪蹄爛取清汁三斗用煮

後藥

白茯苓

商陸

各五兩

萎蕤

三兩

白芷

藁本

各二兩

右五味咬咀用煎藥汁三斗并研杏仁一升合煎取一斗五升去滓瓷瓶盛貯內甘松零陵香末各一兩入膏中攪令勻綿羅之每夜取塗手面

治面黑黥黧皮皴皴散方

白附子

蜜陀僧

牡蠣

茯苓

芎藭

各二兩

右五味為末和以羊乳夜塗面以手摩之旦用漿水洗不過五六度皮脫黥瘡矣

治面黥黧方

沉香

牛黃

薰陸香

雌黃

鷹屎

丁香

玉屑

各十銖

水銀

六銖

右八味為細末蜜和以傅之

白瓜子圓

治面黥黧令色白方

白瓜子 二兩

遠志

藁本

杜蘅

雲母粉

車前子

白芷

當歸 各一兩

細辛

柏子仁

栝蘘仁

橘皮

白石脂

鉛丹 各半兩

天門冬 三兩

右十五味為末蜜和丸如梧子大空心服二十九日三

衍義

鉛丹除熱下氣而鎮攝陰邪從大便出雲母粉治身皮死肌白石脂斂固肺氣肺氣固則色白也白瓜子即冬瓜仁令人悅澤顏色杜蘅藁本細辛白

芷天冬栝蘘佐之以祛在經風氣之滯乃內服正

治法也

治粉滓黥黥方

白斂 十二銖

白石脂 六銖

右二味搗篩以雞子白和夜臥塗面旦用井花水洗面

去粉滓黥黥皴炮及茸毛令面悅澤光潤如十四

五時方

黃芪

白朮

白斂

萎蕤

土瓜根

商陸

蜀水花

鷹屎白

各一兩

防風

半兩

白芷

細辛

青木香

白附子

芎藭

杏仁

各二兩

右十五味為末以雞子白和作挺陰乾石上研取漿水塗面夜用旦以水洗之細絹羅如粉佳

治面粉滓方

熬礬石以清酒和傅之不過三上

又方

搗生兔絲苗汁塗不過三上

治年少氣盛面生疱瘡方

胡粉

半兩

水銀

一兩

右二味以臘月猪脂和熟研令水銀消向暝以傅面旦起布拭之慎勿水洗至暝又取傅面不過三上 一方有真珠

白膏

治瘡疱疥癬惡瘡方

附子

十五枚

蜀椒

一升

野葛

一尺五寸

右三味咬咀以酢漬一宿猪膏一斤煎令附子色黃去滓塗之日三上

治面瘡炮方

鷓鴣屎一升為末以臘月猪脂和令勻夜傅之

治面瘡方

木蘭皮一斤以三年酢漬令没百日曬乾為末  
温酒服方寸七日三

治面皰方

淳酒二升

牛膽

殺羊膽各一具

右三味合煮三五沸傳之

又方

薺苳

肉桂各一兩

右二味為末以酢漿服方寸七日一服亦治黥黥  
及滅癥去黑痣

又方

冬葵子

柏子仁

冬瓜子

茯苓各等分

右四味為末酒服方寸七食後服日三治面疱甚  
者

又方

生地黄三斤

枸杞根十根

右二味先搗枸杞根次搗地黃曬乾合篩空心酒  
服方寸七日三久服顏如童子此祕方也

梔子圓 治酒瘡鼻皰方

三金方補遺卷之  
三  
梔子仁

鼓各三升

大黃六兩

木蘭皮半斤

芎藭

甘艸各四兩

右六味為末蜜和丸如梧子初服十九日三稍加至十五丸

衍義

木蘭皮芳香達皮腠本經治大熱在皮膚中去而熱赤炮惡風顛疾陰下癢濕明耳目婦人尤宜用之 膽善滌垢淳酒以行二膽之性濕熱為患者宜之 薺芫甘寒肉桂辛散以散皮膚中滯血血熱為患者宜之 冬葵子柏子仁冬瓜子白茯苓酒服以治面皴津液不充皮膚不澤者宜之 生

地黃枸杞根酒服以滋其血血燥皮枯五心煩熱者宜之 梔鼓大黃木蘭皮芎藭甘艸丸服以滌肺胃之熱酒客濕熱素盛者宜之 其末後三方鼎峙不可辨

治鼻皴方

蒺藜子

梔子仁

鼓各一升

木蘭皮

半斤一本無

右四味為末以酢漿水和如泥夜傅之日未出時暖水洗却亦主滅癩痕治面上風毒方

玉屑

蜜陀僧

珊瑚各二兩

白附子三兩

右四味為末以酥和夜傅旦洗之亦滅除癩痕

治面有熱毒惡瘡方

胡粉熬

黃蘗炙

黃連各等分

右三味為末取傅上瘡止若瘡乾以面脂調塗之

日三

衍義

疾藜梔子香鼓木蘭皮專治皮膚風熱 玉屑蜜

陀僧珊瑚白附子專治肝腎風毒 胡粉黃連黃

蘗專治陽明濕熱亦鼎峙三法

治滅癩痕方

猪脂三斤飼烏雞一隻三日令盡後取白屎內

白芷當歸各一兩煎白芷色黃去滓內鷹屎白

半兩攪調傅之日三

又方

禹餘糧半夏等分為末以雞子黃和先以新布

拭癩處令赤後用藥傅之勿見風日二十日瘡

十年者亦滅

又方

白附子

杜若

細辛各半兩

掃葉山房



辛夷 一兩

鷹屎白 一合

右五味為末治取傅之亦滅癩痕

治癩痕凸出方

鷹屎白 一兩

衣白魚 二七枚

右二味為末蜜和以傅日三五度良

又方

鷹屎白 二兩

白殭蠶 一兩半

右二味為末以白蜜和傅日三慎五辛生菜

又方

春夏以大麥麩秋冬以小麥麩好細絹下篩以

酥和封上

又方

臘月猪脂四升煎大鼠一枚令消盡以生布揩

拭癩處令赤塗之不過四五上

治身及面上印文方

鍼刺字上破以醋調赤土薄之乾又易以藥

即止

